

刑部比照加減成案續編

刑部比照加減成案

杭州許

刑律人命

殺死姦夫

山西司 道光四年

晉撫奏韓改門子與小高張氏通姦輒敢
起意將氏姑謀死淫兇已極例內並無姦

殺死姦夫

夫起意謀殺本夫之母。作何治罪明文。應
與姦夫起意謀殺本夫。一律科斷。韓改門
子合依姦夫起意殺死親夫例。擬斬立決。
廣東司 道光六年

廣督奏傳三招。因與曾劉氏通姦。起意商
同姦婦。謀毒本夫。以致誤中本夫之父曾
柱石身死。律例內並無作何治罪明文。惟

本夫之父殺死姦夫例與本夫同科則姦夫謀殺本夫之父亦當與本夫並論該犯因姦起意謀毒本夫如將本夫謀斃例應斬決今誤殺本夫之父自應比例問擬傳三招應比照姦夫起意殺死親夫例擬斬立決。

安徽司

道光十一年

安撫奏陳興因與姜觀女通姦被姜觀女
之父姜萬友撞破該犯起意商同姜觀女
將姜萬友致死實屬淫兇已極例內並無
姦夫起意商同姦婦謀殺其父作何治罪
明文惟查本婦之父母捉姦殺死姦夫其
應擬罪名悉與本夫同科則姦夫起意殺
死本婦之父自應比照問擬將陳興比照

姦夫殺死親夫例擬斬立決。該犯姦污其女。又起意謀殺其父。致陷姜觀女罪干寸磔。情節較重。應加擬梟示。姜吳氏明知伊夫姜萬友被陳興商同伊女姜觀女因姦謀死。輒聽姜觀女跪求殮埋匿報。卽屬私和。雖訊無受賄情事。第案關蔑倫重大。自應酌量從重問擬。姜吳氏應於夫被殺而

妻私和者杖一百徒三年律上量加一等。
杖一百流二千里。

直隸司 道光十四年

直督題盧三因與程李氏通姦被氏翁窺
破防範起意殺害立時將程五砍斃。遍查
律例並無姦夫殺死姦婦之翁作何治罪
明文。自應比例問擬。盧三應比依姦夫起

意殺死親夫例擬斬立決。

陝西司 道光六年

陝督奏張馨商同姦婦陳氏將本夫張始
傑毒死查例稱二項罪名係指所犯兩事
俱應斬決者而言是以加擬梟示今張馨
與小功服嬖陳氏通姦罪止擬軍其將本
夫小功服叔張始傑毒死按其所犯係屬

一事與兩犯斬決者迥不相同。自應照例更正。張馨應依姦夫將本夫商同姦婦謀死者斬決例擬斬立決。該督將該犯加擬梟示之處。應毋庸議。

山東司 道光九年

東撫題杜臨。因在李耿氏家傭工。與李耿氏通姦。被氏姑李鄒氏撞見。貪利縱容。嗣

因李鄒氏索錢未遂。將伊攆逐。該犯心懷
忿恨。獨自起意。將李鄒氏謀殺斃命。律例
內並無姦夫謀殺縱姦氏姑。作何治罪。明
文。自應比例問擬。查杜臨與李耿氏素無
主僕名分。應同凡論。杜臨應比依本夫縱
容妻妾與人通姦。審有確據。人所共知者。
被姦夫起意謀殺姦夫。擬斬監候。例擬斬。

監候。

河南司 道光九年

河撫題張仲魁謀勒縱姦本夫牛三桂身
死案內之牛秦氏訊非知情同謀該氏於
張仲魁告知卽向伊翁備述實情報驗牛
秦氏合依姦婦不知情仍依縱容本條科
斷於縱容妻妾與人通姦姦婦杖九十律。

杖九十。

廣東司 道光十三年

廣督奏童禮崑與大功弟婦盧氏通姦。聽從同姦之童二平下手加功。將本夫謀毒後搭傷身死。律例內並無與大功弟婦通姦謀殺本夫。聽從同姦之人下手加功。作何治罪。明文惟親屬相姦起意謀殺本夫。

與凡人因姦起意謀殺本夫按例俱係斬
決梟示罪無等差則與大功弟婦通姦聽
從同姦之人謀殺本夫下手加功亦應與
凡人並論童禮崑應照因姦謀殺本夫之
案除姦婦及起意之姦夫照例辦理外其
爲從加功之人亦係姦夫擬斬監候例擬
斬監候。

河南司 道光九年

河撫咨滑縣程良、因班第三之妻班胡氏、
與馮化隴通姦、聽從班第三胞姪班喜妮、
糾往捉姦、扎傷姦婦胡氏身死、例無治罪、
明文、惟姦夫姦婦均屬罪人、該犯旣爲有、
服親屬糾往捉姦、則殺死姦婦與殺死姦、
夫均無二致、自應比例問擬、程良應比依、

殺死姦夫

非應捉姦之人爲本夫有服親屬糾往捉姦殺死姦夫無論是否登時照擅殺罪人律擬絞監候。馮化隴與班胡氏通姦致被糾往捉姦之程良登時毆傷姦婦身死程良非有服親屬可比。自應量減問擬。馮化隴應比依有服親屬捉姦登時殺死姦婦者姦夫杖一百流三千里例上酌減一等。

杖一百。徒三年。該犯刃傷非應捉姦之程
乃媿平復。依例加本罪二等。杖一百。流二
千五百里。

四川司 道光九年

川督題陳幬良、聽從張官貴糾往捉姦。將
張官貴之妻苟氏毆斃。例內並無不應捉
姦之人。爲有服親屬糾往捉姦。殺死姦婦。

作何治罪明文。自應比例問擬。陳輞良合、
依、非、應、許、捉、姦、之、人、爲、本、婦、有、服、親、屬、糾、
往、捉、姦、殺、死、姦、夫、者、無、論、是、否、登、時、俱、照、
擅、殺、罪、人、律、擬、絞、監、候。

安徽司 道光六年

安撫題袁洛、並監斃之袁喬孜、因族人袁
煦孜、與族嬭袁李氏通姦。經氏姑袁靳氏

屬邀帮捉送究。袁喬孜、袁洛將袁脰孜毆傷。並誤傷袁李氏先後身死。袁脰孜係袁喬孜下手傷重致斃。袁李氏係袁洛誤傷身死。例內並無應許捉姦之人爲有服親屬糾往帮捉。誤殺姦婦。作何治罪明文。第姦夫姦婦同屬罪人。殺死姦夫例應以擅殺科斷。則殺死姦婦衡情亦應以擅殺問。

擬查擅殺以鬪殺論。因鬪毆而誤殺旁人。亦以鬪殺論。除致斃袁旌孜罪應擬絞之。袁喬孜病故外。將袁洛依擅殺罪人以鬪殺論。鬪殺者絞律擬絞監候。

河南司 道光九年

河撫題李泳康因劉得臘圖姦伊義父李沅士幼子李僧子未成。聽從李沅士尋毆。

劉得臘洩忿。該犯用鐵錮毆傷劉得臘左
右脇肋身死。該犯與李僧子係義合弟兄。
雖不得與有服親屬同論。第爲李僧子之
父李沅士糾往下手致斃。自應照例問擬。
李泳康應照有服親屬殺死圖姦未成罪。
人無論是否登時照擅殺罪人律擬絞監
候。

陝西司

道光十一年

陝督題杜泳幅、因陳吉太偕蓋九寬、將伊鄰人王悅青之妻楊氏、擣按強欲行姦。楊氏喊救。陳吉太用刀砍扎楊氏偏右等處。該犯聞聲偕同鄰人王萬倉等趕至喊捕。陳吉太用庫刀拒敵。該犯取柴棍格傷陳吉太右臂膊。將其推跌。墊傷脊脊。並奪獲

庫刀用背毆傷其右肱肘等處殞命。前據該督將杜泳幅依罪人拒捕其捕者格殺勿論律擬以勿論等因。咨部查杜泳幅等係楊氏鄰佑並無應捕之責亦非官司差人可比。其將陳吉太毆跌倒地後復行迭毆致斃亦與格殺迥別。若謂該犯等之前往追捕係由本婦喊救所致亦祇可照非。

應許捉姦之人爲本婦糾往殺死強姦罪
人之例照擅殺律擬絞豈能竟予勿論行
令該督另行妥擬具題去後茲據該督遵
駁改擬杜泳幅依非應許捉姦之人如爲
本婦糾往殺死強姦未成罪人無論是否
登時俱照擅殺罪人律擬絞監候

山西司 道光六年

晉撫咨汾陽縣何成先經貪利縱妻高氏
與孫澱祥通姦後因醜聲外揚卽與妻悔
過拒絕亦不受其資助有屍母及房主供
證確鑿嗣因孫澱祥持槍向伊妻逼姦將
其毆斃該犯雖縱姦在先後卽知恥愧悔
與因縱姦需索不遂或釁起他故毆斃姦
夫應以凡鬪定擬者不同自未便遽行擬

抵○惟○查○本○夫○悔○過○毆○斃○逼○姦○之○姦○夫○其○知○
恥○悔○過○與○本○婦○悔○過○拒○姦○者○事○同○一○轍○自○
應○卽○照○本○婦○悔○過○拒○姦○殺○死○姦○夫○之○例○減○
等○擬○流○該○撫○將○該○犯○於○流○罪○上○再○爲○量○減○
擬○徒○致○較○本○婦○之○罪○轉○輕○殊○未○平○允○應○行○
更○正○何○成○因○比○照○婦○女○和○姦○之○後○悔○過○拒○
絕○將○姦○夫○殺○死○者○照○擅○殺○罪○人○律○減○一○等○

杖一百。流三千里。

河南司
道光四年

河撫題陝州趙小兵始因貪利與刁思玉
雞姦後因無錢資助卽向拒絕嗣刁思玉
與該犯續姦不允爭毆致被該犯推跌痰
壅身死例內並無男子貪利與人雞姦後
無力資助拒毆致死作何治罪明文自應

比例問擬。趙小兵合依婦女貪利與人通姦。後因無力資助。拒毆致死者。仍依鬪殺本律定擬。鬪殺者絞律。擬絞監候。

山東司 道光十三年

東撫題孫山。因無服族叔祖孫佃。與伊母尹氏通姦。登時追捕。孫佃逃回家內。該犯追及。黑暗中用刀將孫佃砍傷。孫佃之妻

孫任氏在旁攔護。致被誤砍傷頂心等處。身死。查子捉母姦。誤殺旁人。例無治罪專條。自應比例問擬。孫山應比依親屬捉姦。誤殺旁人。照誤殺律科斷。因鬪毆而誤殺。旁人者。以鬪殺論。鬪殺者。絞律。擬絞。監候。孫佃與孫尹氏通姦。以致氏子孫山迫於義忿。持刀追捕。誤砍孫任氏身死。是該犯。

殺死姦夫

既姦其母又陷其子於死罪若照親屬捉姦誤殺旁人例將該犯孫佃僅科姦罪未免情浮於法孫佃應比照本夫捉姦誤殺旁人姦夫杖一百流三千里例擬杖一百流三千里

河南司 道光九年

河撫題唐縣安喜全與總麻服弟安喜臣

之妻周氏通姦。將安喜臣謀死。實屬淫惡。
蔑倫。雖安喜臣縱姦無恥。第該犯姦通。總
麻服弟妻。復將本夫謀斃。未便因係縱姦。
本夫卽依凡人謀斃縱姦本夫例問擬致。
滋輕。縱安喜全應依親屬相姦罪止杖徒。
者如姦夫將本夫殺死。或與姦婦商通謀。
死者姦夫擬斬立決。例擬斬立決。

江西司 道光十年

江西撫奏劉輝漢與小功堂婦謝氏通姦。商謀致死本夫劉啟樂身死。劉輝漢依親屬相姦姦夫與姦婦商同謀死本夫例擬斬立決。查親屬有犯姦重於財。定例卑幼圖財謀殺尊長。各按服制依律分別凌遲斬決。均梟首示眾。今劉輝漢因姦謀殺小

功尊屬較之圖財謀殺情罪九重應比例
加擬梟示以昭炯戒。

四川司

道光十四年

川督咨邛州封維沅之妻封孫氏先與封
維潤通姦。經封維沅撞見脫逃。封維沅將
孫氏毆責。欲行送究。封孫氏跪地求饒。立
誓與封維潤斷絕往來。既有封世瀧確證。

應○仍○以○良○人○婦○女○論○今○封○維○沅○因○封○維○潤○
復○向○伊○妻○封○孫○氏○強○姦○致○將○封○維○潤○毆○傷○
致○斃○實○屬○事○在○登○時○封○維○潤○係○封○維○沅○共○
曾○祖○小○功○堂○弟○遍○查○律○例○並○無○本○夫○殺○死○
強○姦○未○成○有○服○卑○幼○作○何○治○罪○明○文○若○將○
封○維○沅○依○本○婦○有○服○親○屬○登○時○忿○激○致○死○
強○姦○未○成○罪○人○例○擬○以○滿○徒○似○與○平○人○漫○

無區別。自應比例問擬。封維沅。應比照本。
夫捉姦殺死犯姦。有服卑幼。或卑幼罪不。
應死而殺。係姦所登時者。均予勿論。例應。
照例勿論。

河南司 道光八年

河撫咨祥符縣李二黑。因見孫榮與伊胞。
妹李四妮通姦。登時捉獲毆傷。致李四妮。

因姦情敗露。羞愧自縊。孫榮被毆傷重。越日殞命。查李二黑係李四妮胞兄。例得捉姦。因見孫榮與伊妹李四妮在牀說笑。知有姦情。氣忿喊捕。卽將孫榮毆傷。李四妮因姦情敗露。自縊。孫榮例應滿徒。今李二黑毆死。罪應擬徒。姦夫較之毆死。罪止枷杖之姦。夫情稍有閒。且本婦有服親屬。擅

殺姦夫應擬絞抵者姦婦畏罪自盡例得減等科斷李二黑應依本婦之兄弟捉姦登時殺死姦夫者依夜無故入人家已就拘執而擅殺律杖一百徒三年罪上量減一等杖九十徒二年半。

四川司 道光十年

川督題犍爲縣唐正隴因並無名分雇工

曾加富於黑夜欲與童英續姦。該犯疑賊。將其毆傷後。盤出姦情。復因其不服。懷罵起意。將會加富勒斃。獲姦。雖在姦所殺死。已非登時。惟查童英係該犯同居繼女。例無明文。自應比例問擬。唐正隴應比照本夫本婦伯叔兄弟及有服親屬皆許捉姦。如非登時。而殺依擅殺罪人律。擬絞監候。

四川司 道光四年

川督岑巴州李如秀因張富與伊妻彭氏
並伊妻前夫之子魏成之妻徐氏通姦同
宿姦所獲姦登時將張富等一併毆傷身
死彭氏係李如秀之妻致死律得勿論惟
徐氏係李如秀之妻前夫之子婦與親子
之婦不同遍查律內並無同居繼父姦所

獲姦。登時殺死伊妻前夫之子婦。作何治罪。明文自應比例問擬。李如秀係魏成同居繼父。本有服制。茲因魏成之妻與張富通姦。登時致死。卽與本婦之有服親屬無異。李如秀比照本夫有服親屬。捉姦登時殺死姦夫及姦婦者。並依夜無故入人家已就拘執而擅殺律。杖一百。徒三年。

安徽司 道光十三年

安撫題汪昭因李亮與伊義母汪鄭氏通姦該犯氣忿起意將李亮殺死律例並無義子殺死義母之姦夫作何治罪明文惟汪昭經汪鄭氏恩養年久配有童養妻室例同子孫取問如律卽與有服親屬無異該犯殺姦並非登時自應比例問擬將汪

殺死姦夫

昭比照本婦有服親屬殺死姦夫非登時而殺依擅殺罪人律擬絞監候。

陝西司 道光五年

陝撫題邵陽縣王均文因王哀穩與伊母張氏通姦又乘閒勾引張氏至家續姦實屬淫惡無忌該犯因其誘姦伊母一時忿恨登時將其殺死實屬激於義忿惟律例

內並無子捉母姦殺死犯姦有服尊長作何治罪明文向俱比照本夫捉姦殺死有服尊長之例辦理王均文應卽比照本夫捉姦殺係本宗總麻尊長仍照毆故殺本律擬罪夾簽聲請減爲杖一百流三千里

浙江司 道光十一年

浙撫題繆慎保繆諒孫聽從繆雲孫之胞

叔繆慕勲將繆雲孫幫同勒斃。先據該撫以繆雲孫將親母老繆邵氏勒死。律應凌遲。惟繆慎保繆諒孫俱係繆雲孫總麻卑幼。例內並無卑幼聽從下手致死尊長專條。咨請部示。查殺死總麻尊長之案。如因尊長罪犯應死。卽曲貸卑幼謀殺之誅。固與名分有乖。而總麻服制最輕。若悉抵行。

同。梟。獍。之。命。亦。與。情。法。未。協。自。應。仍。依。服。
制。本。律。定。擬。比。例。聲。請。量。減。庶。情。法。兩。得。
其。平。而。名。分。益。昭。愼。重。嗣。據。該。撫。以。該。犯。
等。因。繆。雲。孫。勒。死。其。母。同。深。忿。激。聽。從。繆。
慕。勲。將。繆。雲。孫。勒。斃。該。犯。等。僅。止。幫。擻。手。
腳。實。屬。情。堪。矜。憫。應。比。照。有。服。親。屬。捉。姦。
殺。係。本。宗。總。麻。尊。長。仍。照。毆。故。殺。本。律。擬。

罪。隨本聲請減爲杖一百。流三千里。具題
完結。

山東司 道光六年

東撫岑趙二。因出嫁胞妹劉趙氏。與李三
通姦。被夫撞遇。向該犯告知休棄。趙二央
懇未允。忿激難堪。將劉趙氏致勒斃命。查
該犯雖非捉姦。而殺實因本夫。劉奇告述。

劉趙氏犯姦欲行休棄所致律例內並無
恰合正條自應比例問擬趙二應比照本
婦有服親屬捉姦殺死犯姦卑幼非登時
而殺無論謀故按服制於毆殺卑幼本律
例上減一等定擬應於故殺大功堂妹杖
一百流三千里律上減一等杖一百徒三
年。

殺死姦夫

貴州司 道光九年

貴撫岑鎮遠縣陳玉澤因李陳氏與李紅
茂通姦邀同陳玉祥趕至李紅茂家將李
陳氏拏獲係姦所獲姦迫至中途因李陳
氏哭罵不肯同行將其推入塘內溺斃實
屬殺非登時李陳氏係陳玉澤期親姪女
出嫁降服大功律內並無毆死同堂大功

姪女治罪明文。自應比例問擬。陳玉澤合依本婦有服親屬捉姦殺死犯姦卑幼之案。如非登時而殺。無論謀故。各按服制於毆殺卑幼本律例上減一等。應於毆死同堂大功弟妹滿流罪上減一等。杖一百徒三年。

四川司 道光十三年

川督咨名山縣余含春。因伊胞妹余氏。與吳世全通姦。姦所獲姦。將余氏毆傷倒地。出外找尋吳世全。一併送官究治。查找無獲。轉回欲拉余氏回家。俟拏獲吳世全。再行送究。因其在地撒潑。不肯起走。起意將余氏勒傷身死。獲姦雖在。姦所殺死。已非登時。遍查律例。並無非登時殺死犯姦卑

幼。作。何。治。罪。明。文。自。應。分。別。比。例。定。擬。余
含。春。係。余。氏。期。親。胞。兄。余。氏。出。嫁。與。朱。俸
明。爲。妻。因。犯。姦。經。朱。俸。明。休。退。回。家。與。其
夫。家。已。屬。義。絕。尚。未。另。適。有。人。應。仍。依。在
室。論。余。含。春。比。照。本。夫。本。婦。有。服。親。屬。捉
姦。殺。死。犯。姦。卑。幼。之。案。如。非。登。時。而。殺。無
論。謀。故。按。服。制。於。毆。殺。卑。幼。本。律。例。上。減。

一等應於毆期親弟妹至死流罪上減一等杖一百徒三年。

四川司 道光十四年

川督岑熊汶沅因熊觀姐與范幪選在熊劉氏家通姦邀同熊應鵬捉拏適范幪選正與熊觀姐在房樓抱調笑熊汶沅將范幪選毆傷熊觀姐亦被熊應鵬毆傷俱各

身死。實屬姦所獲。姦殺係登時。查熊應鵬
係熊觀姐同高祖總麻族兄。因捉姦將熊
觀姐毆傷身死。遍查律例並無登時殺死
犯姦卑幼之姦婦。作何治罪明文。自應比
例定擬。熊應鵬比照本夫本婦有服親屬
殺死犯姦卑幼如係登時。按其毆殺本罪
在滿徒以上者。卽於捉姦殺死。凡人滿徒

殺死姦夫

上減一等例杖九十徒二年半

陝西司

道光十年

陝撫咨西鄉縣民人李棟與張吳氏通姦。係本夫知情縱容。今被本夫小功叔祖張奉業姦所獲。姦登時將姦婦殺傷身死。將李棟比照本夫本婦有服親屬捉姦登時殺死姦婦杖流例上量減一等杖一百徒

三年查李棟與張吳氏通姦。雖係本夫縱容。惟被夫小功叔祖張奉業登時姦所獲。姦將姦婦殺死。該犯自應依例擬流。未便因係本夫縱姦。遽行曲爲量減。致滋輕縱。李棟應改依本夫本婦有服親屬捉姦登時殺死姦婦者。姦夫杖一百。流三千里。

河南司 道光九年

河撫奏鄧州胡成章與王梁氏通姦。經氏子王惠太商同丁洪令糾搶。伊母被勒身死。釀成逆倫重案。胡成章未便僅科姦罪。應比照有服親屬捉姦殺死姦婦。非登時而殺例。姦夫杖一百。徒三年。

直隸司 道光五年

直督谷杜張氏因夫姪杜紅迪強姦其姪

孫媳不從。撕破中衣。該氏向斥不服。輒主使胞姪。將弟杜紅迪擲河淹斃。例內並無因強姦有服親屬被尊長致死。作何治罪專條。自應比例問擬。將杜張氏比照卑幼因圖姦有服親屬被尊長忿激致死。照擅殺罪人於毆殺卑幼本律例上減一等定擬。應於毆殺夫之兄弟子杖一百流三千

殺死姦夫

三

里罪上減一等杖一百徒三年係婦人照例收贖。

貴州司 道光八年

貴撫咨雷玉雲因雇工吳三圖姦其妻。攢傷致斃。例無治罪明文。惟尊長致死圖姦卑幼。既應照毆殺卑幼本例減等定擬。則家長致死圖姦雇工。自應比例減等科罪。

雷玉雲應比照卑幼圖姦有服親屬被尊
長忿激致死照擅殺罪人於毆殺卑幼本
律例上減一等定擬應於家長毆雇工人
致死滿徒律上減一等杖九十徒二年半

河南司 道光五年

河撫咨滑縣孫小眼聽從父命活埋胞兄
孫剛並孫光興等因姦活埋妻女孫史氏

孫愛姐各身死案內之孫苗柱聽從伊父
孫光林致死犯姦胞妹孫羊妮聽從伊兄
孫光興致死犯姦之嫂查殺死姦婦與殺
死姦夫同一激於義忿孫苗柱孫羊妮應
各比照闕般餘人律俱杖一百

安徽司

道光八年

安撫咨張三與王老姐通姦被王老姐之

母王李氏主令王保嫻將王老姐勒死查
王保嫻聽從伊母將犯姦胞妹勒死例無
作何治罪明文查殺死姦婦與殺死姦夫
無異將王保嫻比照殺死姦夫案內聽從
加功之尊長照鬪殺餘人律杖一百

山東司 道光六年

東撫題董三因董如玉拉住伊母強欲行

殺死姦夫

三

姦氣忿莫遏。登時將其毆傷身死。實屬激。
於義忿。在凡人強姦未成。被本婦之子登。
時殺死。例得勿論。今係總麻尊屬。遍查律。
例並無子殺強姦伊母未成有服尊長。作。
何治罪明文。但子之於母。較本夫忿激尤。
爲迫切。可否比照本夫殺死強姦未成。總。
麻尊長之例。量減擬流。聽候部議等語。查。

該犯董三、因董如玉欲強姦其嗣母、氣忿
莫遏、登時致斃、實屬激於義忿、惟係緦麻
尊屬、究關服制、未便照凡人致死強姦、伊
母未成罪人例、竟予勿論、而子之見母被
人污辱、其忿激較本夫尤甚、亦未便徑擬
駢首、自應酌減、問擬董三、合依有服尊長
強姦未成、被緦麻卑幼、登時忿激致斃、隨

殺死姦夫

案減爲杖一百流三千里。

河南司 道光八年

河撫奏李孫呢與李鄭氏通姦情熱。李鄭氏被翁李吉察知。喊罵禁止往來。心懷忿恨。迨鄭氏往李吉地內摘梨。又被辱罵。鄭氏氣忿莫遏。起意將伊翁謀殺。密與伊子李二妮及該犯商允。該犯聽從前往。將李

吉推倒。致鄭氏等將李吉疊扎斃命。李孫
呢比照姦夫聽從姦婦並糾其子謀殺本
夫姦夫斬決例擬斬立決。

河南司 道光十一年

河撫咨伊陽縣李書卿調姦李余氏未成。
致氏自盡。並本夫李政共毆李書卿身死。
該撫將李政擬杖本部以擅殺應死罪人。

之○律○係○專○指○官○司○差○人○捕○亡○而○言○李○書○卿○
雖○係○圖○姦○未○成○致○本○婦○羞○忿○自○盡○罪○應○絞○
抵○李○政○係○屬○本○夫○非○官○司○差○人○可○比○不○得○
照○擅○殺○應○死○罪○人○律○僅○擬○滿○杖○如○爲○該○犯○
之○妻○余○氏○羞○忿○自○盡○罪○應○從○寬○亦○止○可○比○
照○擅○殺○調○姦○罪○人○應○擬○絞○抵○本○婦○畏○罪○自○
盡○之○例○減○等○擬○流○李○政○應○比○照○婦○女○被○人○

調戲本夫擅殺調戲罪人應擬絞抵如本婦畏累自盡將擅殺之犯減一例杖一百流三千里。

陝西司 道光十三年

陝督岑臨潼縣趙雄兒拒姦用小刀戳傷王惟新越二十九日零七時因風身死查王惟新年長該犯趙雄兒十歲以外又有

當場干證胡明供詞確鑿。屍弟王惟成轉述伊兄生供可憑。該犯釁起拒姦殺係登時。惟例無拒姦戮傷。因風身死在十日以外。作何治罪明文。自應按例量減。問擬趙雄兒合依男子拒姦殺人如死者年長兇犯十歲以外。而又當場供證確鑿。及死者生供足據。屍親供認可憑。三項兼備。無論

謀故鬪殺兇犯年在十六歲以上登時殺
死者杖一百徒三年例上量減一等擬杖
九十徒二年半。